



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

XXXIV. Bischof Dietrich erklärt den Mathias Honow für fähig, ein geistliches Lehn zu empfangen und providiert ihm mit dem ersten, was sich eröffnen wird, am 30. Mai 1363.

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

XXXIV. Bischof Dietrich erklärt den Mathias Honow für fähig, ein geistliches Lehn zu empfangen und providirt ihm mit dem ersten, was sich eröffnen wird, am 30. Mai 1363.

Thidericus, Dei gratia Brandenburgensis Episcopus, executor ad infra-scripta, ut habetur inferius, specialiter deputatus, venerabili viro domino Thiderico Preposito, ac honorabilibus viris dominis Hinrico Priori et Capitulo ecclesie nostre Brandenburgensis, nec non omnibus et singulis aliis, quorum interest vel poterit interesse, et quos infra-scriptum tangit negotium, vel tangere poterit quomodolibet in futurum, quibuscunque nominibus censeantur, salutem in Domino, et mandatis nostris immo verius apostolicis firmiter obedire. Litteras sanctissimi in Christo Patris et Domini nostri Domini Urbani, divina providentia Pape quinti, nobis presentatas per Mathiam Honow clericum nostre diocesis nos noveritis recepisse, quarum tenor talis est: Datum Avinione, quarto Kal. Decembris Pontificatus nostri anno primo. Nos igitur de vita et conversatione ipsius Mathie Honow, ac aliis in ipsis litteris apostolicis contentis, juxta predictarum litterarum traditam nobis formam, inquisivimus diligenter: Et quia ex relatione et testimonio fide dignorum ipsum Mathiam vite laudabilis et honeste conversationis et eum idoneum ad ecclesiasticum beneficium obtinendum esse summarie reperimus, et nullum ecclesiasticum beneficium obtinentem, nec invenimus aliquid Canonicum quod obstaret eidem, propter quod dicta provisio retardari vel impediri deberet; ipsum Mathiam reputavimus per presentes habilem et idoneum ad ecclesiasticum beneficium cum cura vel sine cura obtinendum, eidemque Mathie clerico beneficium ecclesiasticum sibi et nulli alii de jure debitum, cum cura vel sine cura, consuetum ab olim clericis secularibus assignari, ad collationem vel provisionem vestri Prepositi, Prioris et Capituli dicte nostre Brandenburgensis ecclesie pertinens ipsi Mathie competens, secundum sue probitatis merita, cujus fructus, redditus annui, si curatum existit, viginti marcharum argenti, si vero sine cura existat, quindecim marcharum argenti non excedat. Si quod tale beneficium in dicta civitate vel diocesi Brandenburgensi vacat ad presens, auctoritate apostolica qua fungimur in hac parte, cum omnibus juribus et pertinentiis suis, conferimus, et de eodem providemus, investientes ipsum per chartam quam habuimus in manibus, principaliter de eodem. Quare vos venerabilem virum Domini Thidericum Prepositum, et honorabiles viros Dominos Hinricum Priorem et Capitulum prefate ecclesie nostre Brandenburgensis auctoritate supradicta, primo, secundo et tertio et peremptorie requirimus et monemus, in virtute sancte obediencie districte precipiendo mandantes, quatenus infra sex dies a presentatione seu notificatione presentium vobis facta immediate sequentes (quorum duos pro primo, duos pro secundo et reliquos duos pro tertio et peremptorio termino ac monitione canonica assignamus) prefatum Mathiam, vel procuratorem suum ejus nomine, ad dictum beneficium per vos sibi collatum, et ad corporalem possessionem ipsius, ac jurium et pertinentiarum ejusdem, sine difficultate aliqua recipiatis et admittatis, permittentes ipsum, vel suum procuratorem ejus nomine, pacifica ipsius beneficii possessione gaudere; amoventesque ab eo quemlibet illicitum detentorem, quem et nos etiam ex nunc amovemus, et amotum esse judicamus. Inhibentes et interdcentes auctoritate predicta vobis memoratis Preposito, Priori et Capitulo ut beneficium hujusmodi per nos predicto Mathie collatum aut sibi conferendum, reservatum ut presertur, alicui alteri quam eidem Mathie vel procuratori suo pro eo conferatis aut assignetis. Nos enim ex nunc decernimus irritum et inane si secus super premissis vel aliquo premissorum a quoquam, quavis auctoritate scienter vel ignoranter, contigerit attemptari. Quod si forte premissa vel premissorum aliquod non adimpleratis, aut aliquid in contrarium feceritis, sententias interdicti, suspensionis et excommunicationis, ex nunc ut ex tunc, dicta monitione premissa, in quemlibet vestrum ferimus in his scriptis, ac in quolibet alios ipsum Mathiam impediennes, Absolutione quoque omnium ac singulorum qui

supradictas nostras sententias aut earum aliquam incurrerint quoquomodo, nobis reservata. Ceterum vobis seriose ducimus predicendum, quod si hunc nostrum processum contempseritis in toto vel in parte, ad ulteriorem executionem hujus negotii et aggravationem poenarum in hoc processu contentarum seriose procedemus. Datum et Actum in Castro nostro Seyeser Anno Domini Millesimo trecentesimo sexagesimo tertio, Indictione prima, Mensis Mai die penultima, hora quasi sexta, Pontificatus sanctissimi in Christo Patris et Domini Nostri Domini Urbani Pape predicti anno primo. Presentibus honorabilibus viris Magistro Wilhelmo de Pokolente, Preposito Angermundensi, ac Dominis Thiderico in Beltiz, et Andrea Loderpapien in Wormelitz, nec non Zabello in Bare ecclesiarum Plebanis, et quam pluribus aliis fide dignis.

Nach Gerden's Stifte-Geschichte von Brandenburg, S. 580—583.

XXXV. Bischof Dieterich von Brandenburg berichtet an den Papst über Mathias Honow, welcher die Pfarre zu Nauen eigenmächtig in Besitz genommen hat, am 5. August 1363.

Sanctissimo in Christo Patri ac Domino meo Domino Urbano, sacrosancte Romane ac universalis ecclesie summo Pontifici, Thydericus, miseratione divina Brandenburgensis Episcopus, cum obedientia et reverentia devota, pedum oscula beatorum. Noverit Beatitudo vestra, quod quidam Mathias Honow, asserens se clericum mee Brandenburgensis diocesis, mihi super hoc anno, die videlicet decima octava mensis Maii, extra domicilium meum exsistenti, quasdam litteras Vestre Sanctitatis gratiosas pro se et contra Prepositum, Priorem et Capitulum ecclesie mee Brandenburgensis, Premonstratensis ordinis, in communi forma pauperum clericorum per ipsam impetratas, presentavit et unam litteram privatam seu commendatitiam ostendit, per quam probaret, se fuisse et esse vite laudabilis et conversationis honeste, petens ut procederem pro eo juxta dictarum continentiam litterarum, Et quod ei tunc respondi, me quondam habuisse notitiam persone ejus, et velle libenter mandatis apostolicis obedire, quodque tunc non habebam mecum consiliarios et notarium, quorum consilio et officio procedere poteram ad executionem eorundem mandatorum, et prefixi sibi certum terminum competentem in quo venire deberet ad locum domicilii mei in Seyeser instructus dictorum mandatorum vestrorum executionem debitam accepturus. Et quod idem Mathias die vicefima secunda dicti mensis ecclesiam parochialem Opidi Nauen ejusdem mee diocesis minoris, ut asseritur, valoris quam viginti marcarum argenti, in absentia mea acceptavit; non tamen expresse declaravit, quod vellet beneficio minoris valoris hujusmodi contentari. Quodque postmodum videlicet tricesima dicti mensis, idem Mathias in domo mea Seyesere iterum dictas litteras presentavit, et supplicavit ut ad executionem debitam contentarum in ipsis procederem juxta formam eandem, Et quod domino Thiderico Preposito dicte Brandenburgensis ecclesie propter Capitulum Synodale, quod eadem die tenuit presenti, processum meum minime relevarem, Et quod ideo non vocatis nec auditis dictis Preposito, Priore et Capitulo, summariam informationem dicti Mathie recipiens, pronunciai ipsum esse vite laudabilis et conversationis honeste, processumque pro ipso quendam feci generalem, nihil omnino sciens de acceptatione premissa, Et quod post hec idem Mathias insinuavit mihi, quod prius acceptaverat ecclesiam parochialem antedictam et eam tanquam sibi vacantem per mortem Johannis Man, ultimi Rectoris ipsius, Canonici